
Saksnr: 2021/5915-1
Saksbehandlar: Stig Andreas Nordrumshaugen

Saksgang

Utval	Utv.saksnr.	Møtedato
Hovudutval for kultur, idrett og integrering		25.03.2021

Tildeling av tilskot frå statsbudsjettet post 73 profane mellomalderbygg i Vestland 2021

Forslag til vedtak:

1. Vestland fylkeskommune vedtek følgjande fordeling av midlar over post 73 profane mellomalderbygg:

Søkn.nr.	Søklar	Prosjektnamn	Tilrådd sum
1	Jan Heggedal	Masstove, Indre Nore	80 000
2	Olav Magne Dyrdal	Eldhuset på Bakka	1 000 000
3	Vestland fylkeskommune	Kurs i stikkspærrehusbygging	0
4	Sunnhordland Museum	Ådlandstova	180 000
5	Hardanger og Voss Museum	Lagmannsstova	30 000
SUM			1 290 000

2. Fylkesdirektøren set nærare vilkår for bruken av tilskota som er fordelt.
3. Det vert sett av 210 000 kr. til klagehandsaming og strakstiltak. Fylkesdirektøren får fullmakt til å fordele midlar til strakstiltak. Hovudutvalet skal orienterast om fordelinga gjennom referatsak.

Samandrag

Saka gjeld tildeling av tilskot frå statsbudsjettet 2021 kap. 1429 post 73 - tilskot til profane mellomalderbygg. Dette er ein av dei nye oppgåvene som er overført frå Riksantikvaren til fylkeskommunane i 2020. Kvart år kan eigarane av profane mellomalderbygg søkje om støtte til istandsetjings- og vedlikehaldstiltak. På bakgrunn av søknadane frå eigarar, søkjer Vestland fylkeskommune Riksantikvaren om midlar til vidare fordeling i fylket. På bakgrunn av innkomne søknader søkte fylkeskommunen Riksantikvaren om 2,26 mill. kroner i tilskot for 2021. I brev av 2. februar 2021 tildelte Riksantikvaren 1, 5 mill. kroner til Vestland fylkeskommune for 2021. Desse midlane skal no fordelast til ulike tiltak på profane mellomalderbygg.

Per Morten Ekerhovd
fylkesdirektør

David J Aasen Sandved
seksjonssjef

Saksframlegget er godkjent elektronisk og har difor inga handskriven underskrift

Saksutgreiing

Bakgrunn for saka

Saka gjeld tildeling av tilskot frå statsbudsjettet 2021 kap. 1429 post 73 profane mellomalderbygg. Vestland fylkeskommune fekk overført forvaltninga av tilskot til profane mellomalderbygg i Vestland frå Riksantikvaren i 2020. Tilskotsordninga vart annonsert og gjort tilgjengeleg for søkjarane gjennom Vestland fylkeskommune sin [heimeside](#) og gjennom avisannonsar.

Føremålet med tilskotsordninga

Profane mellomalderbygningar er blant verdas eldste trebygningar. Det er eit mål å få bygningane opp på eit normalt vedlikehaldsnivå, samstundes som kjeldeverdien vert teken vare på. Det er vidare eit mål at den immaterielle kulturarven i det tradisjonelle bygningshandverket vert teken var på og styrka. Arbeidet på mellomalderbygningane bør difor gjennomførast på ein slik måte at handverkskompeansen vert teken vare på og utvikla.

Innkomne søknader og tildeling frå Riksantikvaren

Søknadsfristen for ordninga var 1. november 2020. Det kom inn fire søknader som oppfylte krava om å kunne søkje på ordninga. På bakgrunn av innkomne søknader samt fylkeskommunen sitt eige kursprosjekt i stikkspærrehusbygging, søkte Vestland fylkeskommune Riksantikvaren om 2, 26 mill. kroner. I brev av 02.02.2021 tildelte Riksantikvaren 1,5 mill. kroner til Vestland fylkeskommune for 2021.

Budsjett 2021	1 500 000
Søknadsfrist	1. november 2020
Vedtaksriterier	«Retningslinjer og vilkår for tilskot frå statsbudsjettet kap. 1429 post 71-79» og «Reglement for økonomistyring i staten»
Informasjon om ordninga	VLFK sin heimeside og utlysing i trykte media

Tal på søknader	5
Tal på søknader som er tilrådd tilskot	4
Samla søknadssum frå eigarane	2 110 122
Søknadssum frå Vestland fylkeskommune til Riksantikvaren	2 260 000
Tilrådd til fordeling 2021	1 290 000
Midlar til klagehandsaming og strakstiltak til seinare fordeling	210 000

Vedtakskompetanse

Hovudutvalet for Kultur, idrett og integrering. Jf. vedteke reglement for hovudutval for kultur, idrett og integrering, punkt 3.

Vurderingar og verknader

Økonomi:

Tildelinga vert finansiert gjennom refusjon frå statsbudsjettet 2021 kap. 1429 post 73. Tilskotsordningar på kulturfeltet er eit økonomisk verkemiddel og står sentralt i den regionale kulturpolitikken til Vestland fylkeskommune.

Klima: Istandsetting av eldre bygg bidrar positivt i klimarekneskapen.

Folkehelse: Tiltaka medfører auka opplevingsverdiar av vår felles kulturarv.

Utviklingsplan for Vestland 2020-2024 (Regional planstrategi): Mål 2: Klima og miljø som premiss for samfunnsutvikling, strategi 2.2: Vestland skal sikre infrastruktur og forvalte viktige natur-, landskaps- og kulturverdiar.

Vurdering av innkomne søknader

Fylkeskommunen fekk inn fire søknadar, der to av bygningane er i privat eige og to er eigd av musea. På grunn av avgrensa midlar i rammetilskotet frå Riksantikvaren har fylkesdirektøren prioritert tiltak som går på viktige istandsettingstiltak knytt til konstruksjon, tak og grunnforhold, samt utbetringar av bygningsfysiske tilhøve. Omsøkte tiltak som går utover dette, som manglar tilstrekkeleg dokumentasjon og/eller ikkje vert vurdert som prekære, har ikkje vorte prioriterte.

Eldhuset på Bakka i Aurland, som vart demontert og årringsdatert til 1270-talet hausten 2020, har fått høgste prioritet grunna svært dårleg tilstand. Dette er eit omfattande istandsettingsprosjekt som allereie er igangsett. Bygningen ligg i dag oppbevart i hall som handverkarar leiger for dette prosjektet.

Kurs i handverkskompetanse

Som del av søknaden til profane mellomalderbygg post 73, søkte fylkeskommunen søkte Riksantikvaren om 150 000 kr til å arrangere eit kurs i stikksperrhusbyggjng i samband med oppføring av vernebygget til mellomalderbygget på Bakka. Ut frå årets tildeling frå Riksantikvaren, vurderer fylkesdirektøren at kurset ikkje vert prioritert. Vernebygget vil likevel bli bygd (som eit stikksperrhus), men vert ikkje gjennomført som eit kurs.

Konklusjon

Fylkesdirektøren syner til drøftingane ovanfor og rår til å gjere vedtak i tråd med framlegg.